



NAMANGAN VILOYATI YANGIQO‘RG‘ON TUMANI HOKIMINING QARORI

2024-yil 10-dekabr

739-6-90-Q/24

Yangiqo‘rg‘on tuman
hokimligi

Namangan viloyati hokimining 2024-yil 7-dekabrdagi “O‘zbekiston Respublikasi Prezidentining 2024-yil 14-noyabrdagi “Tadbirkorlar huquqlari va qonuniy manfaatlarini ishonchli himoya qilish chora-tadbirlari to‘g‘risida”gi PF–184-son Farmoni ijrosi haqida”gi 587-6-0-Q/24-sonli qarori to‘g‘risida.

Namangan viloyati hokimining 2024-yil 7-dekabrdagi “O‘zbekiston Respublikasi Prezidentining 2024-yil 14-noyabrdagi “Tadbirkorlar huquqlari va qonuniy manfaatlarini ishonchli himoya qilish chora-tadbirlari to‘g‘risida”gi PF–184-son Farmoni ijrosi haqida”gi 587-6-0-Q/24-sonli qarori ijrosini tumanda ta’minlash maqsadida, “Mahalliy davlat hokimiyati to‘g‘risida”gi O‘zbekiston Respublikasi Qonunining 6 va 21¹-moddalariga asosan,

QAROR QILAMAN:

1. Namangan viloyati hokimining 2024-yil 7-dekabrdagi “O‘zbekiston Respublikasi Prezidentining 2024-yil 14-noyabrdagi “Tadbirkorlar huquqlari va qonuniy manfaatlarini ishonchli himoya qilish chora-tadbirlari to‘g‘risida”gi PF–184-son Farmoni ijrosi haqida”gi 587-6-0-Q/24-sonli qarori rahbarlik va ijrosini ta’minlash uchun qabul qilinsin.

2. O‘zbekiston Respublikasi Prezidentining mazkur Farmoni bilan:

Tadbirkorlik subyektlarining huquqlari va qonuniy manfaatlarini himoya qilish bo‘yicha vakil (keyingi o‘rinlarda — Biznes ombudsman), Oliy Sud, Bosh prokuratura, Adliya vazirligi, Soliq qo‘mitasi va Savdo-sanoat palatasining quyidagi takliflariga rozilik berilganligi:

a) 2025-yil 1-yanvardan jismoniy shaxs tomonidan tadbirkorlik faoliyatini yakka tartibdagi tadbirkor sifatida davlat ro‘yxatidan o‘tmasdan amalga oshirganlik uchun moliyaviy jarimani bekor qilishi;

b) 2025-yil 1-yanvardan boshlab quyidagilar uchun ma’muriy javobgarlikni bekor qilishi:

fiskal belgilarni aks ettirish tartibini buzish;

qonunchilikda majburiy raqamli markirovkalanishi belgilangan tovarlarni (mahsulotlarni) ishlab chiqaruvchilar va import qiluvchilar tomonidan identifikatsiya vositalari orqali majburiy raqamli markirovkalash qoidalarini buzish;

xodimlar sonini yashirish;

s) 2025-yil 1-martdan boshlab sudda ish yuritish taraflar kelishuv bitimi tuzganligi sababli tugatilganda, tadbirkorlik subyektlari va fuqarolarga davlat bojini quyidagi miqdorlarda qaytarib berish tartibini joriy etishi:

birinchi instansiya sudida — to‘langan davlat bojining 70 foizi;

apellyatsiya va kassatsiya tartibida berilgan shikoyatlar bo‘yicha sudda — to‘langan davlat bojining 30 foizi;

tadbirkorlik subyektlari faoliyatini nazorat qilishga vakolatli organlar (keyingi o‘rinlarda — nazorat qiluvchi organlar) va ularning nazorat sohalari ro‘yxati 1-ilovaga muvofiq tasdiqlanganligi;

bunda ushbu ro‘yxatga kiritilmagan organlar hamda tashkilotlar tomonidan hamdanazorat sohasida nazarda tutilmagan masalalar bo‘yicha tadbirkorlik subyektlari faoliyatida nazorat tadbirlarini o‘tkazish taqiqlanganligi;

O‘zbekiston Respublikasi Prezidentining 2024-yil 30-avgustdagi PF-132-son Farmoniga muvofiq, 2025-yil 1-yanvardan boshlab nazorat qiluvchi organlar tomonidan “Xavfni tahlil qilish” elektron tizimi joriy etilishi, shuningdek, tekshiruv va profilaktika tadbirlarini tashabbus etish ushbu tizim natijalari asosida amalga oshirilishi ma’lumot uchun qabul qilinganligi;

belgilansinki, 2025-yil 1-yanvardan boshlab:

tadbirkorlik subyektlari faoliyatida o‘tkaziladigan barcha tekshiruvlar “Yagona davlat nazorati” axborot tizimida ro‘yxatga olish orqali Biznes-ombudsmanni xabardor etish tartibida amalga oshirilishi;

tekshiriladigan tadbirkorlik subyekti aniq bo‘lmagan holatlarda, shuningdek, fuqarolarning hayoti va sog‘lig‘iga, jamoat xavfsizligiga, davlat manfaatlariga, atrof muhitga zarar yetkazish xavfining tezkor oldini olish yoki bartaraf etish maqsadida tadbirkorlik subyektlari faoliyatida 2-ilovaga muvofiq tekshiruvlar tekshiruv boshlangandan so‘ng 24 soat ichida “Yagona davlat nazorati” axborot tizimida ro‘yxatga olish orqali Biznes-ombudsmanni xabardor etish tartibida amalga oshirilishi;

“Xavfni tahlil qilish” elektron tizimida tadbirkorlik subyektlari faoliyatida huquqbuzarlik sodir etish xavfi past, o‘rta va yuqori darajalarga tasniflanishi;

bunda O‘zbekiston Respublikasi “Tadbirkorlik faoliyati erkinligining kafolatlari to‘g‘risida”gi Qonunining 39-moddasiga muvofiq, kameral soliq tekshiruvlari “Yagona davlat nazorati” axborot tizimida ro‘yxatga olinmasligi;

shunday tartib oʻrnatilganki, unga muvofiq tadbirkorlik subyektlari faoliyatida “Xavfni tahlil qilish” elektron tizimi natijalari asosida profilaktika tadbirlari va tekshiruvlarni oʻtkazish quyidagi tartibda amalga oshirilishi:

xavf darajasi past boʻlgan tadbirkorlik subyektlari faoliyatida nazorat qiluvchi organlar tomonidan tekshiruvlar oʻtkazilmaydi;

xavf darajasi oʻrta va yuqori boʻlgan tadbirkorlik subyektlari faoliyatida yuzaga kelishi mumkin boʻlgan xavflarning oldini olishga qaratilgan profilaktika tadbirlari oʻtkaziladi yoki tekshiruv oʻtkazilishi mumkin;

aniq fakt va hollar boʻyicha fuqarolarning hayoti va sogʻligʻiga, jamoat xavfsizligi, atrof-muhitga, jismoniy va yuridik shaxslarning hamda davlat manfaatlariga zarar yetkazish xavfining oldini olish yoki bartaraf etishga qaratilgan tekshiruvlar “Xavfni tahlil qilish” elektron tizimi natijalaridan qatʼi nazar oʻtkazilishi mumkin;

soliq va bojxona organlari tomonidan “Xavfni tahlil qilish” elektron tizimi Soliq va Bojxona kodekslariga muvofiq yuritilishi;

profilaktika tadbirlari doirasida amaldagi profilaktika shakllariga qoʻshimcha ravishda Biznes-ombudsman va nazorat qiluvchi organlar tomonidan tasdiqlangan namunadagi cheklist toʻldirilishi natijalari boʻyicha tadbirkorlik subyektlari faoliyatida qonunbuzilishlarga olib kelishi mumkin boʻlgan kamchiliklarni bartaraf etishga koʻmaklashilishi;

tadbirkorlar huquqlari va qonuniy manfaatlarini himoya qilish boʻyicha “yoʻl xaritasi” 3-ilovaga muvofiq tasdiqlanganligi;

Oʻzbekiston Respublikasi Prezidentining ayrim hujjatlariga 4-ilovaga muvofiq oʻzgartirishlar kiritilganligi;

Oʻzbekiston Respublikasi Prezidentining ayrim hujjatlari 5-ilovaga muvofiq oʻz kuchini yoʻqotgan deb hisoblanganligi maʼlumot uchun qabul qilinsin.

3. Mazkur qarorning bajarilishini nazorat qilish tuman hokimining moliya iqtisodiyot va kambagʻallikni qisqartirish masalalari boʻyicha birinchi oʻrinbosari R.Shomirzayev zimmasiga yuklansin.

Tuman hokimi



A.Najmiddinov